

Et, & alieni non transibunt per eam amplius, Dominus commorabitur in Zion. Loquuntur Prophetæ more suo de regno Christi magnificentius, quàm caro ferat. Verum ipsi de Ecclesia regno Christi militante uaticinantes subinde excurrunt in mentionem regni reuelandæ gloriæ, & triumphantis Ecclesiæ gloriam, quantum licet, prædicant.

Discimus igitur hoc loco, tantum in Ecclesia esse ueram salutem, ueram liberationem. Iudæi, Turcæ, cæteræq; gentes & hæretici sunt extra Ecclesiam, non enim habent fidem ueram & iustificantem, nempe fidem in Ihesum Nazarenum, ideo non habent spiritum sanctum ac peccatorum remissionem. Non igitur saluantur, ac nisi conuersi fuerint, & in Ecclesiam Zion spiritualem uenerint, cum Diabolo & angelis eius in ciuitate Diaboli peribunt in æternum.

Curandum igitur modis omnibus, ne ab illo sancto monte Zion Ecclesia sanctorum recedamus. Nam qui à Zion recedit, à Christo Zionis Rege & habitatore recedit, fitq; membrum putridum, quod nullum gratiæ & salutis influxum
habet